

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**D. Gebh. Theodori Meieri Theologi & Prof. in Academia  
Julia Antichiliasmus Absolutissimus**

**Meier, Gebhard Theodor**

**Helmstadii, 1696**

§. XII.

**urn:nbn:de:bsz:31-105465**

§. XI. E dictis igitur satis manifestum esse puto, quod juxta Chiliaſtarum etiam hypotheſes, poſt reſurrectionem piorum in adventu Chriſti, non alia relinquatur piis reſurrectio, quo ita firmato ſit Aſſertio ſexta: Cum illa reſurrectione piorum in adventu Chriſti futura, conjuncta erit etiam reſurrectio impiorum, eaq; ſimul eodem momento fiet. Probatu hoc ex Joh. V. 28. *Venit hora, in qua omnes qui in ſepulchris ſunt, audient vocem ipſius, ( Filii hominis) & exhibunt, qui bona fecerunt, ad reſurrectionem vite; qui vero mala fecerunt, ad reſurrectionem judicii.* Unde tale formo argumentum:

In quacunq; reſurrectione pii reſurgent, illa incidit in adventum Chriſti.

In reſurrectione autem de qua agitur *Joh. V. 28.* pii etiam reſurgent; Ergo

Reſurrectio hæc *Joh. V. 28.* incidit in adventum Chriſti, cumq; in hac etiam impii ſint reſuſcitandi, pertinebit quoq; reſurrectio in adventu Chriſti ad impios.

Major pendet ex Concluſione quinta, ubi demonſtratum eſt, quod poſt reſurrectionem in adventu Chriſti inſtituendam, non detur alia piorum reſurrectio; ante illum autem adventum multo minus poni poterit talis reſurrectio de qua *Joh. V. 28.* agitur, cum nec ipſi Chiliaſtæ hoc admiſſuri ſint, ut adeo reſurrectio omnis futura, qua piis tribuitur, collocanda ſit in tempus futuri adventus Chriſti.

Minor apertiffime in textu l.c. habetur, itaque concluſio negari haud poterit.

§. XII. Atque hic quoque ex parte conſentientes nobis videri volunt Chiliaſtæ, ſtatuunt enim præcipuos etiam impiorum, quos appellant hædos mundi, tempore

pore adventus Christi, resurrecturos esse, ut in sequen-  
 tibus ostenderur. Sed non amplius hic agnoscendus est  
 illorum consensus, cum diversis temporibus statuunt  
 resurrecturos esse pios ac impios, & impios quidem  
 LXX. dies post piorum resurrectionem, ut habet A-  
 nimadv. §. 19. Verba sunt: *licet crudeles illi & sangvi-  
 nolenti tyranni post factam sanctorum resurrectionem,  
 LXX. circiter dies post, maledicta corpora sua accipi-  
 ant, & in lacum ardentem cum bestiâ & Pseudoprophe-  
 tãruant.* At simul pios cum impiis suscitatum iri aper-  
 te ex eo patet, quod Salvator apud Johannem l. c., uni-  
 eam horam determinet resurrectioni & piorum & im-  
 piorum: eadem enim hora est, in qua illi qui ad vitam  
 resurgunt, & illi qui resurgunt ad iudicium vocem  
 Christi suscitantis audient. Notandum igitur, quod  
 Scriptura quidem de piorum resurrectione haud raro  
 seorsim sermonem instituat, nullã mentione impiorum  
 resurgentium facta, ubi tamen non sequetur quod soli  
 pii aliquam resurrectionem sibi propriam habituri sint,  
 cum unius inclusio non fit alterius exclusio, qua de re  
 plura in sequentibus.

§. XIII. Assertio septima: Resurrectio mortuo-  
 rum in adventu Christi futura, erit universalis.  
 Probatur hoc tali argumento:

Resurrectio de quã Salvator loquitur *Joh. V. 28.* est u-  
 niversalis;

Resurrectio in adventu Christi futura est illa ipsa re-  
 surrectio: Ergo

Resurrectio in adventu Christi futura est universalis.

Major ex ipso textu evidenter patet, dicit enim Christus  
*πάντες ἐν τοῖς μνημείοις*, ut indicetur, omnes qui illo tem-  
 pore in sepulchris adhuc quiescent, tum resuscitandos  
 esse. Nec obstat, quod in loco parallelo *Mat. XII. 2.* pro